


X

十
廿



種蕉聽雨
軒詩鈔

卷之四
高齋
書



政兼教養古循吏學有淵源今大宗此友人贈師
句也師豈僅以詩鳴哉師生平爲人喜誘掖後進
桃李之盛罕有倫比樹以樗櫟之材亦得遊大匠
門者飲水思源良非無自同治初師司訓固安先
叔祖亦官其地與師爲同寅至好互以道義相切
劑嗣先叔祖擢郡守以老乞歸師亦成進士觀政
比部往來始多形間阻又十餘年家大人客灤門
樹隨侍讀書師於辛卯夏改官山左適以稽查保

種薑聽雨軒詩鈔

序

一

甲來灤家大人以世交故命樹謁函丈桐蒨兩家

兄亦先後受業焉樹自執贄師視猶子飲食教誨

無微不至復命仰梧心畚柳畦笛樓諸世兄與樹

兄弟盟苔岑以篤永好駐灤五年蓋無日不侍左

右也樹賦質頑劣自從師後竊師之緒餘出與名

流相角逐每試灤源尙志各書院輒獲重酬供菽

水而科歲試亦未嘗見擯於有司此誰之賜歟丙

申秋師之任夷安樹以學使將按臨恐誤試期不

獲偕往是歲兄齒得選拔而

樹

僅食一簋秋試又

薦而未售師思所以慰勉之者乃命來署伴笛樓

讀且潤以廉泉俾得少紓內顧憂而壹志於學

樹

敢不勉乎哉憶師自綺歲酷嗜古文辭而詩尤工

惜旋作旋棄百不一存到東後亦常有詩今年得

詩尤夥

樹

見輒錄之近又於行篋中檢得舊詩若

干出以相示則半爲客甌時所作謹次其先後繕

成一冊用備揣摩而猶懼其久而散佚也因與同

種德齋軒詩鈔

序

二

學友仲三子鶴諸君校勘一過請付梓人刻既竣

爲綴數語以識顛末至於詩如何工讀者自能辨

之固無事游夏贊一辭云

光緒戊戌中秋受業程樹芬謹序

先生梅父執也先君性狷介寡交游平生知己惟

王丈雪廬吳丈仲飴孫丈佩南及先生數人而已

而與先生交尤善丙子丁丑間先君司訓博陵先

生適遊其地岑苔甫合針芥即投以道義相劇切

文章相期許孺簾之雅不啻同胞先生嘗贈先君

聯句云經師人師公一有道父事兄事我思不齊

傾倒可謂至矣及先君以憂去官先生爲割宅以

居復相依者數載晦明風雨酬唱殆無虛日然皆

種蠶聽雨軒詩鈔

序

不喜存稿維時梅齒方稔亦不解代爲收拾回首

前塵時以爲憾去年春先生招梅來署讀書見先

生吟興之豪不減曩昔每成一詩梅輒錄存之久

而成帙竊語諸同門曰先生前數十年之詩已隨

手棄去無從搜輯若弁此區區者聽其散佚咎將

誰職乃力請於先生付手民焉編中所錄率多冲

逸蕭澹之作其稍涉議論微露圭稜者概從刪芟

此先生旨也刊既成爲綴數語以示讀先生之詩

者光緒戊戌秋八月文登受業世愚姪孫煜梅謹
撰

種善聽雨詩鈔

序

二

余自七八歲即學爲詩然隨意抒寫無所謂尊韓
抱杜也半生足迹所至惟客春明爲最久得詩亦
最多惜旋作旋棄未嘗收拾今年二月偶檢破籠
得舊稿數紙半爲客甌時所作丁亥以前之詩則
無一存焉者矣兒輩恐并此區區者亦就散佚也
請錄而存之乃爲次其先後分作兩卷作於浙中
者曰客甌吟作於山左者曰齊竽草藏之篋衍猶
是做帚千金之意云爾光緒戊戌二月南皮戲馬

種蕉聽雨軒詩鈔

臺下老樵記於高密官舍時年五十有七

種蕉聽雨軒詩鈔

南皮 葛之覃

子周

韻藏

客甌吟

東甌郡齋書懷

丁亥

回首白雲署長安十載居頗嘗京邸苦自問吏才
疎夢幻悟隍鹿疲勞歎磨驢何時返鄉里一卷課
兒書

客甌將歸勉爲新任太守留有述

巳丑

種蕉聽雨軒詩鈔

卷一

客甌吟

琴劍飄零感不勝且將心事訴孤鐙還家久負青
山約對鏡驚看白髮增老大羞爲再醮婦行藏酷
似打包僧書生不作封侯想讓爾紛紛捷足登

申江中秋玩月

祇爲長安乞米難年來旅食累豬肝依人生計燕
巢幕困我功名魚上竿歲序都從愁裏過月明慣
在客中看滬江今夜笙歌沸料峭西風獨倚闌

泊武林門外

纈雲出岫幾經秋
檢點歸裝去復留
自笑送人作郡慣
三年兩度客杭州

車駕橋寓齋

別了西湖今又來
青山笑爾鬢毛摧
頻年身逐飛蓬轉
何日甘從諫果回
壯不人如况已老
官非我斲本無才
春官桃李滿城樹
辜負東風一樣栽

題梁伯鸞斷碣搨本

石藏石門李氏

夙有藏碑癖何辭
賞鑑疏摩挲高士
碣珍重美人

種蕉聽雨軒詩鈔

卷一

客甌吟

二

書李笙魚觀察與其姪人張江梅女史
皆有詩刻碑側笙魚篆書江梅楷書
瘞鶴銘差

似簪花格不如閨門自酬唱
豔福羨笙魚

接家書

兩字平安報武林
開函急讀喜難禁
病中頓爾加餐飯
真箇家書抵萬金

雨後步鳳皇山麓

傲來老屋傍山城
睡起看山趁晚晴
一杵霜鐘搖客夢
半林風葉戰秋聲
閒愁縷縷炊煙續
病骨棱

棧石筍撐回首家鄉四千里幾時買棹賦長征

杭州旅次聞鄭捐關

雪爪重尋又古杭縕袍布被笑行裝平安消息家
書盼潦倒生涯嫁線忙垂老何堪爲遠客無才不
敢傲貲郎海氛未靖黃河決正是英雄奮迹場

憶家

似與西湖約杭州作客頻三刀遲入夢一硯詎療
貧書廢愁兒嬾囊空惹僕曠何時理歸棹鄉味話

種薑聽雨軒詩鈔

卷一

客風吟

三

天津

遊西湖不果

杭州小住又經旬門外曾無車馬塵苦雨聲從孤
枕聽秋風影伴短檠親夢防客擾常推病恥受人
憐憤諱貧咫尺西湖艱一面山靈定惹詈申申

九月九日友人邀登吳山阻雨

謝絕門前客蕭然晝掩關無人同話雨有約負登
山歲月愁中過家鄉夢裏還濟時慚乏術局外自

偷閑

旅次書懷

無端浪迹又西湖，愧說今吾勝故吾。
一卷蟲魚供我老，半生牛馬任人呼。
囊空笑指馮驩餓，酒醉狂敲處仲壺。
久雨不晴民食盡，籌荒誰繪監門圖。

餘姚舟中

一幅天然畫，都從枕上看。
渡頭人語聚，篷背夕陽殘。
兩岸蘆花白，半江楓葉丹。
好山青不斷，風景足

種舊聽雨軒詩鈔

卷一

客旣吟

四

盤桓

過曹娥江

海枯石爛總銷磨，浩劫滄桑幾度過。
一孝成名人不死，至今江尚屬曹娥。

舟過蕭山

日落風輕候，搖搖櫓一枝。
蒼煙橫斷岸，黃葉隱叢祠。
一水平於掌，雙峰低似眉。
推篷恣遠眺，絕好畫

圖披

嚴子陵釣臺

巋然遺址枕江隈
豔說先生垂釣來
繪像當年廿八將
教人何處覓雲臺

泊狀元橋

東甌九百里飛渡
一輪輕巨浪白無際
遠山青自橫愁多
宜海洗心定覺潮平
知是人家近忽聞雞犬聲

謁選都門有壓班者枕上口占

庚寅

種蕉聽雨軒詩鈔

卷一

客甌吟

五

一唱鴻臚十四春
不堪回首憶前塵
青雲多少彈冠客
白首依然未嫁身
才拙於人休怨命
貌隳似我自應貧
年來漸覺名心澹
鹿夢何須辨假真

客温州回

琴劍蕭然返故廬
囊中贏得一錢無
此行何事差強意
曾見詩人劉少塗

柯城劉孟塗先生之子

抵里

橐筆遠從甌海回
今生端合伏蒿萊
篋中尚有青

衫在四十年前老秀才
丁酉秋復撰聯句云黃榜
忝登三百卅人中廢物青

衫猶在四十年
五年前秀才

種蕉聽雨軒詩鈔

卷一

峇風吟

六

種蕉聽雨軒詩鈔

南皮 葛之覃 子周

齊竿草

勤政殿引 見恭紀

辛卯

咫尺 天顏兩度瞻朝回攜得綠頭籤兒曹莫作

尋常視此物曾經 御手拈

改官山左題旅舍壁

自笑書生面目寒昇仙無術覓金丹稻梁何處愁

種蕉聽雨軒詩鈔

卷一

齊竿草

一

鴻雁枳棘有時困鳳鸞誰信文章關吏治須知牧
令是狎官故人從此雲泥判愧說長安花共看

省垣需次感懷

仕宦真成魚上竿一書乞外別長安性情偏與山
林近貧賤都緣骨相寒自問投時非利器敢將捷
足羨同官孟嘗門下三千客欲學毛生脫穎難

閱府試卷貢院中作

壬辰

求官官不得襍被如青齊長拜辭先壘家事付老

妻伯子性樸儻種田把鉏犁仲子麓知書侍我若
小奚叔子讀家塾儼然佩鞞觸季子未離母善作
小兒啼男四娶者三姑婦無勃襖大女已遣嫁幼
女亦及笄姑嫂與娣姒一鐙伴寒閨軋軋機杼鳴
聲雜中夜雞媿媿兩女孫學語覓棗梨一室言笑
温不知秋風淒老妻顧而樂加餐飽藿藜何羨貴
人婦金諧博紫泥昨日得家書一紙疊赫蹠家人
能食貧吾復奚憂兮榮枯有前定青雲上無梯送
窮窮弗去翻笑韓昌黎

種德齋雨軒詩鈔

卷一

齊竿草

二

旅感

碧梧只許鳳皇栖飄泊年年東復西一夢原如蕉
鹿幻三更忽聽杜鵑嘯有書懶讀愁兒輩無米能
炊累老妻何日買山返鄉國課耕手自把鉏犁

題汶上旅店壁時有緝盜捕蝗之役

客途又入早秋天夜雨孤燈思悄然有癖未除寒
士氣

旅邸中購漢碑數種

多情幸過主人賢

謂陳少珊刺史

名州地

半道逃藪下邑災成水旱偏自笑書生無實用此
行枉費大農錢

余久作客家事皆室人料理寄詩勞之

行年將半百無日得眉伸婚嫁愁兒女艱難問米
薪似君真健婦讓我作閒人聚首當非遠相看白
髮新

十月十二日讓孫生三兒晉仁所出也

碌碌半生此朽質媿說爲子能繼述一事幸與吾

種葛聽雨軒詩鈔

卷一

齊竿草

三

父同抱孫年俱五十一我家累世苦丁單我有四
子足承歡但願四子各四階前鬱鬱長芝蘭

擬蘭亭詩

集襖帖字

甲午

靜趣過於水幽抱暢在春情文相與生放言豈無
因遷固有作述昔迹今亦陳爲樂當及時臨風懷
古人

宇宙有大觀天地無盡期流水娛清聽不異竹與
絲古賢仰管樂次者豈足爲少長同此遊自脩當

及時

補令高密賦此志感 乙未

自分樛材終棄捐一朝拂拭遇名賢 謂中丞李公 金門

射策事如昨彈指已經二十年

之官高密梁口紳民餞余南門外留別 丙申

賦居慣倚鵲華旁風土渾忘是客鄉怕聽離筵歌

折柳愧無治績勒甘棠 是日爲立德政碑 三年白髮催人

老一路青山笑我忙莫怪征鞍如許重新詩投贈

種齋聽雨軒詩鈔

卷一

齊學草

四

滿吟囊

抵高密任

乞令無端到海濱朝衫輕拂 帝京塵舊聞鄧禹

此封邑何幸康成作部民百里河山今似古萬家

絃誦夏兼春相期食飲安耕鑿莫惹長官鞭朴頻

宿于邁亭明經齋中留贈

日暮天仍雪投鞭處士莊衝寒穿石徑尋夢到書

牀詩草黏新壁梅花孕古香寶光忽旁射遺墨認

漁洋

不媿明經目家居只著書高門仍駟馬生計老蟲
魚問字雙雛鳳駝詩一蹇驢徵車行敦促未許卧
蓬廬

海內詩人少今朝幸遇之何期艱一百枉自結相
思媿我風塵狀難親冰雪姿清輝如許接樽酒話
襟期

室邇人偏遠高風此溯洄蕭齋今夜永幽抱幾時
種舊聽雨軒詩鈔

卷二

齊芋草

五

開老僕躬聲寂一鐙詩影陪擁衾眠未穩曉漏又
相催

先塋樹碑賦此寄示兒輩

丁酉

茫茫宦海任沈浮攬鏡忽看雪滿頭作客無端拋
骨肉還家有夢到松楸買田未遂歸耕願礮石先
爲表墓謀寄語諸兒好料理莫教荆棘長荒邱

調簾赴省道出長山村童見肩輿過疑爲嫁
娶者揭簾視之大笑去

遠望肩輿隱碧叢誰家嫁娶過村東
寒簾惹得兒童笑不見新孃見老翁

省寓接家信六月廿四日四子祖仁得一男
喜鵲今朝報曉晴錦綳昨夜試唳聲
此兒應與凡兒異揀得荷花生日生

一書乞外誤生平補闕空懷報
國情字以諫廬名曰讜願兒他日副嘉名

丁酉入簾併癸巳甲午三次矣

種德南軒詩鈔

卷一

齊字草

六

南金東箭儘搜羅七十四人名士多愧我風塵一
俗吏五年三聽鹿鳴歌

鄒平道上

亂山穿過幾多層放眼平原萬象澄
十里煙橫送鷺墩一灣水淺出魚罾
野花寂寞如思婦禿柳頻唐似病僧
馬力已闌人意倦寒林深處閃疎鐙

銷差回任行至城西五里靈應庵口占

恩恩撒棘返征輪節過重陽裁一句多士誰爲華

國器

本房中正榜六副榜二

上官不薄讀書人

中丞派充第一房未出闈

即奉回城闈欲近心先喜胥吏來迎意倍親聞道

斯民頗念我敢將苛刻易寬仁

邑人好訟有以失犬求捕者異聞也

累牘連篇控不休非關舊怨與新仇千言祇爲爭
雙犬一紙無勞曳九牛小聚蟲聲能作市輕嘘蜃
氣便成樓文翁化蜀操何術坐使閭閻俗不偷

憶品孫

種舊德雨軒詩鈔

卷一

齊芋草

七

弱小垂髫女天然明慧姿拈鍼工繡字把卷愛吟
詩似此閨中秀何堪膝下離來春當聚首大母爲
含飴

除夕

南北相望各一天今宵骨肉半團圓平安戲作宜
春帖男女歡分守歲錢夙債粗將婚嫁了老懷不
爲利名牽欲尋樂處須知足無難無災即是仙

辨孫六歲失母舉止一如成人見者咸歎異

之

不曾聞女誠至性疑天成對影眉常斂思親淚暗
傾勉隨羣妹戲爲慰老人情大母垂憐甚珍珠掌
上擎

除夜

爆竹四城起衙齋靜掩門清芬懷祖德微祿感天
恩下吏風塵老人家人笑語溫溫憐故園裏有客憶
椿萱

種蕉聽雨軒詩鈔

卷一

齊竿草

八

種蕉聽雨軒詩鈔

南皮 葛之覃 子周

齊竽草

送讓孫入學 戊戌

琅琅未試讀書聲一入書齋便有情最愛雛孫嫻

禮法也隨季父拜先生 是日祖仁同入學

學問功名途兩分世間冠蓋太紛紛但求識得數

行字不學時賢干祿文

種蕉聽雨軒詩鈔 卷二 齊竽草

垂髫風景憶趨庭就傳受書亦七齡可惜蚤攻舉

子業不曾熟讀十三經

書分南派世爭趨妍妙多姿古法無我是北人好

北派願從顏柳下工夫 南派乃江左風流疎放妍妙長於啟牘北派則中原

古法拘謹拙陋長於碑榜

入春以來訟事漸稀喜而賦之

衙鼓聲中歲序新吏民漸與長官親法能禁暴虎

狠避人到忘機魚鳥馴敢失慈悲心似佛漫矜明

察智如神訟庭花落閒無事愛聽雛孫學語頻

出郭

出郭二三里陰雲低拂鞭麥田餘積雪柳岸隔春
煙林外數牛放籬根一犬眠農家堪小憩結屋草
橋邊

夜坐有感

刁健沿成俗誰能塞訟源縱教刑不濫敢信獄無
冤宦久銷精力錢多誤子孫不如歸去好三徑菊
猶存

種薑齋詩鈔

卷二 齊竿草

二

輿中即景

遠指城邊路夕陽鞭一絲人家茅覆屋野圃枳編
籬馬倦還駝夢鳥嘯似索詩林端增暝色搔首寄
遐思

二月廿一日試童生經古

回頭四十六年前試院揮毫正雪天今日扃門逢
校士從教辛苦憶當年

名場角逐事重尋歲月蹉跎感不禁檢點青衫襟
上淚敢將今日負初心

區區一第又何奇射策金門恨我遲寄語諸君須
努力登科好是少年時

邑有人文信不虛攜來大筆儼椽如鳳池他日誰
先到此是青雲發軔初

贈杜趙二生

杜延賢年八十一趙承乾年七十六皆應童子試

婦孺皆知梁灝名年逾八十冠羣英勸君莫墜青

種舊聽雨軒詩鈔

卷二

齊竿草

三

雲志自古龍頭屬老成

五色花從筆底生老年文字尚崢嶸名場蹭蹬君
休怨大器由來是晚成

閱高密縣志有感

一人有善行奕葉珥貂蟬一人有隱惡不聞血食
延天道如明鏡能辨蠹與妍子孫食其報神鬼司

厥權高密新舊志職官列一編徐公與張公

徐諱升階

萬歷舉人張諱乃史乾隆進士

乃吾邑名賢我後二公來儼若隨

其肩頗疑吾邑人獨與有夙緣徐公仕明季今逾
三百年族姓猶蕃衍故物抱青氈張公起甲科科
目世蟬聯歟歟今尙書實爲公之元二公距今遠
治蹟湮莫傳若無甘棠愛何以瓜瓞縣根深實斯
遂此理詎誣焉我亦有孫子撫躬爲慄然

三月廿四日試武童

瑠弓兩石力能開器宇沈雄半將才自古書生弄
柔翰幾人繪像到雲臺

種蘊齋詩鈔卷二 齊竿草

四

助從遊諸子

願從帖括下工夫著意研京復鍊都非謂文章真
有用欲求科目更無途幾人落筆誇鳴鳳慮爾參
禪入野狐先輩名程徧海內一編挹取足師模

接家信三月初四日未時喻仁生一男爲命

名曰學諒字松友號夢男

家書到在杏開時珍重拆函樂不支記得夢熊先

有兆階前果又茁孫枝

三月初一日試童生經藝
題爲維熊維虺未冠題爲

男子之祥余之命題實出無心
今追憶之乃知爲生孫之兆

命題鎖院兆宜男紀以詩歌作美談凡事不容孫

越祖兒生初四我初三
余生日爲道光壬寅
三月初三日申時

懷品諒二孫

五六嬰兒戲寢門老人藉以慰長昏家鄉千里一

回首更有一孫一女孫
長孫學讓七歲次孫學謙
兩歲女孫變格八歲密格

四歲替格兩歲皆隨侍蘇氏外孫女亦於今正來
署惟大孫女品格於去夏回籍三孫學諒生於里

門至今尙未得一見
品格十歲學諒一歲

種蕉聽雨軒詩鈔

卷二

齊竿草

五

昭信局集股蕙事

踴躍從公仗衆紳城中設局僅三旬時艱共濟爭

酬 國新法初行防病民精衛何能填巨海泰山

卻不讓纖塵忍教東國酒漿竭此念差堪質鬼神

詠瓶中牡丹

折得一枝紅牡丹纔三兩日已開殘世間富貴人

爭羨祇與瓶花一例看

四月廿日大雨

關心節序入長蘼
良苗欲枯老農驚
知時好雨忽滂沛
有如三峽水倒傾
自朝至暮還未歇
餘聲浙瀝天欲明
石砌沒盡水穿戶
懸知郊外溝澮盈
一夜聽雨不肯睡
喜極轉覺心怛怛
聞道農家方刈麥
場圃堆垛如坻京
潤之有雨晷無日
得毋霉爛芽怒生
於苗則得麥則否
未雨乞雨雨乞晴
方寸顛倒天應笑
此老無乃太不情
曉起開門看天色
天邊紅日挂銅鉞
從此心無些子事
卧聽牆外碌碡鳴

種蕉聽雨軒詩鈔

卷二 齊芋草

六

礪鳴

詠蟲四首

食皆擇其肥
我非肥者比
瘦骨撐老皮
所慮損爾齒

笑爾貪似狼
愧我瘦如鶴
何不待我肥
供爾一大嚼

高郵苦多蚊
舊有露筋祠
斯地蚊更惡
并筋食無遺

炎熱慣趨附飲啖快饒口轉眼秋風生爾軀復何有

見諸孫戲得三十韻

昔我來東時祇有女孫一三兒與四兒年幼未授

室到東八年中一一婚嫁畢四子各生兒男女孫

共七讓孫方七齡晉仁塗鴉學弄筆讀書種綠軒

舅甥與叔姪舅謂張少彭叔謂祖仁薦士憶酉年一卷兆大

吉兒年十九時科名得可必余丁酉入簾薦讓十九號一卷默祝曰此

種蠶雨軒詩鈔卷二齊笋草七

卷如中我讓孫當十九歲登第已而卷果批中列魁選及拆彌封乃蓬萊柳延教也讓孫客

夏生祖仁荷花同生日英物試嘯聲知非驚劣質

諒孫生季春喻仁歲星躔戊戌夢熊男子祥試題

無心出三月初一日高密縣試初覆經題為維熊維虺未冠經題為男子之祥不數日接喻

仁家報三月初四日未時果女孫長日品喻仁骨

格饒秀逸幼小解屬文進士乃不櫛次者曰變兒

葆仁義取枳化橘三者密為名晉仁適余令補密

四則為簪哥晉仁雙瞳黑似漆新正晬盤開一枝

攫不律諸兒頗不惡紛紛繞吾膝左右森雁行長
幼排甲乙或學捧盤匱或解覓棗栗或佩繭虎行
或騎竹馬叱綠衣足爛斑門闌喜氣溢伯道與中
郎見之應我嫉我不羨貴官金紫拜顯秩我不羨
富人黃金擁萬鎰惟此天倫樂味之甘於蜜何必
爭利名相持效蚌鵝稚兒如稚苗既秀盼其實乃
祖一衰翁敢或虧陰騭

讀白玉蟾集

種蕉聽雨軒詩鈔

卷二

齊竿草

八

紛紛羽化說由玄

葛由成周人葛玄
三國人皆仙去

瓊號仙翁洪

稚川

葛瓊葛洪
晉人

更有長庚榭繼起

葛長庚
宋人

吾家先後

五神仙

道書八卷抱朴子

葛洪
著

文集一編白玉蟾

葛長庚
著

貧

看神仙才子筆好花落盡不開簾

咳雨唾風一劍寒先生師事陳泥丸仙家文字多

游戲窠臼何曾落杜韓

絕代文章生面開吾宗著作有仙才楚弓自合楚

入得過眼雲煙去又來
曩余家居時即見此書事
隔十餘年兒子葆仁始購

論價真堪直萬錢
開函紙墨尚新鮮
書凡八巨册
余家所藏明

板書惟印數與
奇書疑有鬼神護
流轉人間五百

此書最完好
年

年

詩集刊從正統初遺編
幸未飽蟲魚寄聲兒輩須

珍惜不是坊間習見書

消夏

種蕉聽雨軒詩鈔
卷二 齊字草
九

定故無人早放衙
重門靜掩鼓停撾
疏簾清簟閒

中趣白米紅鹽客
裏家霜鬢搔殘愁對鏡
風情減

去懶看花訟稀
恰值農忙日消夏工夫只課茶

涼棚高不過簷不能透風漫成一絕

葦棚低亞瓦鱗鱗
隔斷輕颺來去頻
坐此休嫌涼

意淺輒紅塵裏有行人

書說文解字後

雍熙三載版初刊
校定遺文救葛滯
遠溯宗風撫

墜緒一鐙搖雨夜窗寒

赴注溝輿中作

赤日燒空夜氣收
勞人冒暑下山陬
當茶擬嚼千年雪
衣葛儼披五月裘
汗出力嫌紈扇薄
涼生心盼綠陰稠
肩輿緩緩前村近
林木無風正喘牛

老境

歲月逼人太不情
龍鍾老態一時生
偶揩病眼翻

詩卷近看模糊遠
卻明

種律聽雨軒詩鈔

卷二 齊竿草

十

勸四兒祖仁

中朝西學忽昌明
取士章程一旦更
孔孟遺書兒自讀
讀書原不爲科名

六月初二日接家信

八年作客久思歸
世故纏人願尙違
家計虛盈都不問
開函喜說小兒肥

喻仁來書云諒孫極肥大生甫百日如他兒之周歲者

雨後作

人如坐甌裏溽暑酷難當一雨落亭午千家生暮
涼好風扇枕簟扶夢到羲皇大熱還來否天心正
渺茫

鄭公鄉途中作

沃田萬千頃一望碧無垠瓜蔓橫遮路黍苗深沒
人偶邀村叟話頗與長官親願爾安耕鑿同爲太
古民

詣久敬鄉即目有作

種蕉聽雨軒詩鈔

卷二

齊竿草

七

嫋嫋風前柳芄芄雨後苗屐聲喧略約笠影聚團
焦細水雙流合南山一望遙田家容借宿覓醉市
村醪

雨夜不寐同內子作

膏盡銀鐙暗更殘玉漏沈無端搔短鬢相與坐愁
霖人老身偏健兒嬌病易侵明知善調攝眠食總
關心

讜孫週歲得詩三首

去年今日記懸弧此是孫枝第二株學語未成又
學步升堂不欲倩人扶

百玩禱陳目不窺銅章一顆笑中持願兒他日拾
青紫一視今朝取印時

祝釐結綵起樓臺一部梨園奏技來惹得碎盤生

異彩

君恩波及錦綉孩

適逢萬壽演劇

憶縣試所出經題戲作

添丁兆已應維羆虺象陰柔女子宜頗悔命題欠

種羆聽雨軒詩鈔

卷二

齊竿草

三

斟酌不應斷裂斯干詩

當日命題第以截措題可避熟耳早知其有驗不如

出維熊維羆全句矣

苦雨

苦雨連旬鬱鬱居何堪腹疾又河魚塗鷓屣改新
詩本別蠹閒披舊篋書習靜每防人事擾治勞深
愧吏才疎浮沈宦海身將老戲馬臺邊有敝廬

堪笑

堪笑區區一腐儒時艱蒿目亦長吁大冠翠羽紛

朝貴雨笠煙蓑自釣徒人老無如歸去好憂來惟
有奈何呼故園松菊應相憶惆悵西風三徑蕪

書懷

比來興味更蕭然病骨支離祇自憐羽化欲生塵
外想心齋常坐靜中禪三秋夢斷思鄉井百里才
疎愧俸錢衮衮諸公多建白不嫌噤口作寒蟬

久雨忽晴口占志喜

驕陽匿彩溼雲橫禾黍盈疇刈不成仰屋方愁連
夜雨開門忽放十分晴半庭樹影搖殘照一市人
聲聞暮城自是豐年好景象家家香飯飽新秬

種蕪聽雨軒詩鈔

卷二

齊字草

三

述懷

擁腫不材愧此生何堪濫吹玷簪纓厭聞流輩談
時事願與村氓歌太平暮景桑榆容我老先疇畎
畝督兒耕野人閒散無拘管一醉陶然夢亦清

七月八日過膠河輿中口占

西風吹雨衣裳冷膠水盈盈日欲暝河流陡長五

尺餘喚渡無船計，良窘募取壯丁三十人，與援比捷虎比猛，生長水國，狎鷺鷗，有與爭向洪波捧衆，擎易舉，語非虛，獨力奚扛百斛鼎，邪許一呼走如飛，好趁蛟龍驕未醒，飄飄頗似駕扁舟，一葉茫然凌萬頃，舉目四顧，瞻倍蘆，白浪飛濺，肩輿頂僕從，泅水苦未能，鵠立河干，愁對影，更倩數人扶，一人連臂踏空，氣爲屏，一鼓作氣，彼岸登，回看渡處卻惶恐，儻教失足，跌中流，煙水茫茫一斷梗，由來忠信涉波濤，望而卻步，豈爲勇，此役况爲王事來，敢惜桑榆逼暮景。

時有青島之行

由塔埠赴膠城途中作

塔埠成三宿，嚴關據海濱，水程紆島嶼，鄉味雜天津，飛鳥下投樹，野花如笑人，流連好風景，忘是客中身。

秋夜不寐書懷

道梗愁家遠

夏六月黃河決舟車爲之不通

官貧積債深有人

方解組謂潘振聲刺史奈我尙鳴琴亦欲成高蹈誰能諒此心去留兩難決不寐擁寒衾

膠澳立界石有感

中西界石立亭亭清濁居然判涓涇草木不知淪化外夕陽影裏自青青

閱丙子題名碑拓本有感

風風雨雨字銷磨二十年前進士科旅枕黃梁春夢短墓門白草古人多一官落拓身如寄百感蒼涼哭當歌爲問桃源在何處願隨漁父著煙簑

種稊蠹雨野詩鈔

卷二

齊芋草

五

感興

花落訟庭晝掩門山城寂寞似鄉村厭聞時事常辭客爲遣閒愁一弄孫雨過池塘洗塵夢風停簾幙定詩魂比來宦興澹於水渺渺余懷孰與論

即景

積雨初晴後閒階獨立時半庭餘鳥迹一葉墜蛛絲落口詩情遠西風病骨支家鄉隔秋水惆悵雁

書遲

聞黃河決感賦

怕聽元封瓠子歌
陽侯肆虐罪誰科
廿餘郡縣無完郭
一夕田廬付逝波
人以何辜漂碧血
天如有意崇黃河
定知賈策紛紛上
唾手功名年少多

自述

忽輟田間未來橫
海上琴官場多熱鬧
吾性自山林事簡
民無擾詩成客共吟
一枝容暫借敢久戀

種蠶雨軒詩鈔

卷二 齊竿草

六

朝簪

衙齋坍塌殆徧菊圃亦就荒蕪漫成一律

百年棟宇半傾敝
老屋何堪風雨欺
草長漸將新菊沒
牆斜賴有古槐支
官如傳舍知誰替
地不衝衢與嬾宜
涼月一庭供嘯傲
也應勝似寄人籬

言懷

卯黍召棠繫我思
訟庭鎮日靜鞭笞
亦知姑息難爲愛
奈此婆心太近癡
赤子容干慈母怒
長官甯

忍小民欺催科撫字皆非易他日考書下下宜

示學者

風瀟雨晦此蓬廬事業名山一一儲剛日讀經柔
日史何勞海外覓奇書

有感

國家根本繫黎元父老何堪賦斂繁機械人心今
日甚彈丸下邑古風存斯民大抵多良善酷吏不
聞長子孫政拙心勞甘下考忍教無地訴煩冤

種菴聽雨軒詩鈔

卷二

齊竿草

七

白髮

人見白髮愁我見白髮喜世間多少富貴人不待
髮白長已矣昨朝覽明鏡頭顱霜雪盈回頭見吾
兒白髮亦數莖吾兒之髮尚若斯何怪老夫鬢成
絲爲語老妻休嗟咨且看諸孫花間嬉

過油坊莊輿中作

緩緩肩輿趁晚晴村人老幼各歡迎怕驚懷抱小
兒女不許高揚喝道聲

題張仙像

石刻在汝上張仙祠

書贊分明是老蘇宜男舊說本非誣奈何信口汗
花藥認作蜀王挾彈圖

中秋對月

空階露下不勝寒回憶前塵祇自歎經過中秋五

十七月明十度棘闌看

余七試京兆三
次分校東闈

他鄉骨肉小團藥老境逼人宦興闌預訂明年今

夜月開樽同在故園看

種黨聽雨軒詩鈔

卷二

齊芋草

六

九月二十一日卯時晉仁生一子爲命名曰

學講字經筵號侍香

長抱鮮民痛千鈞一髮存天教娛晚景福爲造寒

門孤矢才前日錦綉又此孫

一年連
舉三孫

雁行汝第四

共墨有諸昆

種蕉聽雨軒詩鈔

南皮 葛之覃 子周

齊竿草

秋夕後園散步 戊戌

閒階新雨霽小坐掃莓苔花影月扶出雁聲風勒
回溼薪雙犬藉枯葉一螢偃到此成幽賞孤吟孰
與陪

臘八日送新生入學口占一絕

種蕉聽雨軒詩鈔 卷三 齊竿草

潦倒一官兩鬢霜前塵回首已茫茫同遊泮水人

三五我是當年最少郎 時年十二

賀杜趙二老生

空山寂寞歎途窮何幸中郎識爨桐桃李知多門
下士衣冠具有古人風秀才誰似范文正好學應
如衛武公雙劍終當化龍去夜來光氣吐熊熊

書懷

沿街臘鼓又鞦韆百里銅符篆欲封塵夢不知何

日醒詩情更比昔時慵甯貧恥作守錢虜有子粗
成識字農認取廬山真面目當年本是一書僮

有諷

旅館蕭條客夢孤金錢買笑足爲娛不知推髻梁
鴻婦甌裏今朝有米無

送故人子還里

欲語難爲語含情立夕曛亂山歸客路荒草故人
墳豈以死生隔因之冷暖分解囊此爲贈苦緒觸

種舊聽雨軒詩鈔

卷三

齊芋草

二

紛紛

贈黃升甫學博

官是廣文冷如何屈鄭虔春風新絳帳夜雪舊青
氈輝映人疑玉吟成句欲仙木天終許到漫羨祖
生鞭

封印前一日作

掃罷紛紛贖官閒歲亦闌訟稀聽吏散政拙幸民
安法重如山易心清似水難夜來一循省未敢片

時實

曉起看明鏡何來山澤臞敢將慈比母羞信手非
屠案牘今多暇琴書足自娛何堪風雪裏匹馬又

長途

時將有即
墨之行

赴即墨會讞夜宿張洛

封篆纔今日驅車忽遠行畏寒方蜩縮報曉已雞
鳴破壁鐙無焰荒邨板有聲倚裝催早發好趁月

猶明

種齋聽雨軒詩鈔

卷三

齊竿草

三

刁村早發

晨星三兩點山徑認依稀近海風多勁緣坡雪未
晞分明鄰境入卻是故鄉歸聚族在何處人民今

已非

余原籍
即墨

二十二日抵即墨

吾祖遷畿輔於今五百年無端旋故里何處拜先
阡兵火家曾破元明譜失傳縱教宗老在相問亦

茫然

余家譜牒僅能
追至國初

鞠即墨獄

案牘高逾尺情辭待細參
麓心防有失辣手復何堪
堪囚輩供翻異怨家償再
三端倪尋未得終夜夢難
甘

自即墨回途中口占

風霜兩鬢惜衰顏策馬遙
從海上還今世有緣瞻故
里茲行無福到勞山忍看
垂死魚遊釜誰向來生雀
索環辛苦長途惟自悼羨
他歸岫白雲閒

種蕉聽雨軒詩鈔

卷三

齊竿草

四

宿馬店

今夜較寒重重裘尙不支
隙風穿牖急殘月下檐遲
閒撥瓦盆火細尋泥壁詩
僕眠應未熟又是早行時

臘月二十五日接大二兩兒家信

平安書一紙遠自故鄉來
親盡知收族孫多屢款
媒買鄰休問價避債罷登
臺怪底西窗下燈花昨夜
開

梅信

梅信渺無期寂寂此良夜莫恨花開遲遲開亦遲
謝

齋中多蓄蠟梅水仙花時香甚爲成一絕句
蠟梅冒雪綻新黃更有水仙淡著妝不許金鑪添
細火嫌他溷卻好花香

題三李詩鈔後

歌絕壖荒響於今已百年詩魂羈粵嶺風力逼唐

種薑聽雨軒詩鈔

卷三

齊竿草

五

賢仕隱曾殊轍精神共此編詞人工撫捨身後幾
篇傳

一自三君出詞宗屬海濱墨磨兄弟老詩寫性靈
眞今古幾同調風騷有替人後賢方繼起染翰鳳

池新

謂峻甫
進士

除夕憶家

彈指三年過鬢髮感歲華客愁消栢酒宦况問梅
花有夢隔千里分春作兩家遙憐兒女輩此際說

阿翁

戊戌除夕

晴空五色靄祥雲海上於今息寇氛落拓一官甘

下考時大計尙未揭曉兒孫兩地恰平分大兒二兒率兩孫兩女孫奉其

母家居三兒四兒率兩孫兩女孫侍余密署歲除那有詩堪祭家宴能

教酒易醺惟祝新春春雨足吾農南畝事耕耘今冬

雨雪甚少

關心舊歲去匆匆餞臘筵開燒燭紅日月雙丸幾

種蕉聽雨軒詩鈔卷三齊學草六

除夕風霜兩鬢一衰翁二十五日自即墨回二日十六日詣鄭公鄉忙

中都忘老將至樂處還期民與同十七條刊遺訓

在先君家訓十七條板藏於家敢將清白墜家風

新年不出視事賦此遣興己亥

書城百雉此深藏被裏黃綢一覺長濁酒無須澆

磊塊春茶恰好試旗槍詩刪舊草吟偏健座供新

花夢亦香消受幾多清淨福可憐竿木又登場

詠盆中小梅

肯受塵埃半點欺且將短几拭烏皮由來材大難
爲用似此隨人位置宜

老根蟠曲瓦盆栽三兩新枝花半開今世莫嫌成
就小也教桃李作輿臺

自警

貪吏見錢喜一笑似鷓鴣酷吏見人怒一吼如青
獅吏喜民生感吏怒民命危二者皆不居似可與
有爲余則曰否否更有進於斯國家重民牧郡縣

種蠶聽雨軒詩鈔

卷三

齊芋草

七

設有司以養則慈母以教則嚴師芸生雜良莠星
好異畢箕訟或起乾餱盜或迫寒飢萬緒互轆轤
夢絲豈易治我心非明鏡屢照神爲疲耳目偶寄
人久則受其欺事權偶假人勢且爲所持怠勤關
治忽捷如形影隨無爲耽清淨蒼生何賴之不見
神與佛到處有叢祠不飲人間一杯水拈花微笑
只低眉無貪亦無瞋大慈復大悲惜是木雕泥塑
者終日跌坐如聾癡

宿白埠

昨抱雛孫戲，今投逆旅棲。誰教孤客夢，併入小兒

啼。夜已三更盡，神猶半晌迷。擁衾思更睡，喚起又

村雞。

夢中聞講，孫索乳啼甚急，披衣起坐，方悟身在逆旅中也。

白埠早發

辨色匆匆起，衝寒又展輪。凍雲烘海日，曉樹落春
星。淺渡流全斷，羣山睡未醒。農田冬有雪，宿麥漸

回青

種蕪

雨軒詩鈔

卷三

八

宿門村

朝辭萊子國，百里半山程。風定筍輿穩，雪消沙路
平。夕煙扶月上，積水隔林明。村店堪投宿，遙聞犬
吠聲。

途中書所見

郡城三日住，策馬舊途歸。村店今新市，兒童尙綵
衣。一帘春酒熟，滿肆海魚肥。風景此間好，流連對
夕暉。

十三日自郡回

行裝卸罷日沈西腰腳支離軟似泥最是雛孫不
解事聲聲索抱自長啼

元宵放鐙

笙歌一片沸春聲世界同遊不夜城莫道金錢此
浪擲要他鐙火繪昇平

幻出新鐙萬點明魚龍曼衍妙如生絲毫不是官
家物多少脂膏結得成

種蕉聽雨軒詩鈔

卷三

齊芋草

九

元夜偶成

佳節每逢輒憶家由他簫鼓鬧喧嘩書常在手時
忘飯酒與無緣只課茶寒夜圍鑪春盎盎雛孫索
乳語牙牙人生最是清閒好難得連朝盡放衙

書舍夜坐

微覺春寒中眠餐總不宜病魔猶易遣書癖卻難
醫老態羞窺鏡閒情偶寄詩青鐙常我伴有味憶
兒時

臥室

晶盤貯佛手石盆供水仙對此仙與佛飽參一覺

禪

榻外無隙地迴環盡是書兀然坐其中矻矻一蠹

魚

鑪鼎雜瓶盎左右位置宜一任奚奴懶拂拭有諸

兒

老妻還鄉國雞鳴失戒旦不慮起太遲雛孫隔窗

種蕉聽雨軒詩鈔

卷三

齊學堂

十

喚

正月十八日得雨

冬晴苦無雪朔風揚蓬塊麥苗綠未蘇龜坼沙田
碎斗米價斛珠斯民色將菜誰歟守土者思之心
爲痲天忽連日陰濃雲團黓黓釀出雨一犁高下
均沾溉襦粟當阨窮黔黎叨大賚園靈蔚然藍厥
心民是愛願爾息訟爭羣扶東郊耒和氣迓祥霖
毋謂天憤憤

助張子少彭

爲憶雍乾嘉道時君家科目冠南皮近來文物凋
零甚先輩風流孰繼之

羨君才藻富翩翩螢案雪窗勵志堅似此苦心天
不負相期染翰鳳池邊

心閒

不必深山卧薜蘿心閒城市亦巖阿剪鐙話雨延
詩友倚杖觀雲消睡魔讀有用書嗟我老藏無數

種蕉聽雨軒詩鈔

卷三

齊竿草

七

視爲孫多春來花事須料理莫遣韶光草草過

友人訊近狀詩以代柬

老骨峻嶒偏耐寒無勞良友勸加餐路防窘步行
常緩事可捫心夢亦安花笑鳥言大自在伯歌季
舞小團藥宦情更比春雲淡鐘鼎山林一例看

書瞿先生隸篇後

遠從秦漢溯源流斷碣殘碑海外搜著作等身刊

未福

先生著說文若干卷
稿藏於家尙未付梓

隸篇一集足千秋

贈朱寒社徐翁

誰如城北美濯濯出風塵翁美鬚髯望之如神仙中人香草生

幽澗寒梅挹古春似君多壽相有子亦詩人翁工詩兼

善草隸二子皆餼於他日徵書至休辭白髮新

庠為邑中知名士

示晉兒

書畫有款識多出古人筆古人不可作真贗誰與質爾性耽枯寂足不戶庭出翰墨獨結緣圖書共

一室玉躔與金題卷軸羅一一恍入五都遊眩目

種蔗聽雨軒詩鈔

卷三

齊芋草

三

寶光溢摩挲復摩挲悠悠消白日此外一無營心志何專壹所嗜良不惡溺焉亦錮疾不如分餘功以半事佔畢

詠落梅

生意何嘗盡青青葉滿枝座隅供清賞一樣似花時

好色留難住紛紛點碧苔不愁春寂寞聞道杏花

開

馬蹏硯

石出昆山以形似馬蹏得名

獨坐書叢靜似禪垂簾篆嬾一鑪煙故人贈我馬蹏硯留寫南華秋水篇

四兒以爾雅圖呈閱戲成一絕

爾雅誰云箋注疎何勞畫手補禽魚笑兒尙未童

心化好購坊間繡像書

此外石印書數種亦多有圖

書懷

溫飽已云幸何堪望太賒布蔬甘澹泊絲竹屏淫

種黨聽雨軒詩鈔

卷三

齊竿草

三

哇守拙吏爲隱學禪心出家訟庭春寂寂渾忘是

官衙

開敞之日各花戶爭先完納踴躍歡呼歲稔

民和即此可見詩以誌之

三百年來生齒繁食毛踐土總天恩邑民念我

催科拙省卻追呼吏到門

書端木鶴田周易指後

撻維鈞河術若神劉誠意後寂無人越年五百先

生出始信青田產鳳麟

論南田題畫字

結體由來戒墨豬
風香妙筆有誰如
畫從款字分真贗
人善丹青必解書

寄興

消受安閒福從教感慨平
書多知腹儉債少覺肩輕
幼子儼爲父雛孫又作兄
彩衣紛繞膝翻獨故園情

園情

種蕉聽雨軒詩鈔

卷三 齊竿草

古

閒眺

空園何所有散步亦欣然
巢定閒梁燕風高趁紙鳶
無花無酒地欲雨欲晴天
牆下一榆古青青將綴錢

示兒輩

一生難再是青春應惜昂然七尺身
人不讀書終近俗士能積學豈憂貧
名山事業足千古爾室功脩基五倫兒輩幸無衣食累及時策勵莫因循

廢園

春色在何處園門今日開絕無人跡至時有鳥聲
來細雨雙株樹斜陽一片苔牆陰多隙地擬買好
花栽

買書示兒子輩

童年入村塾欲讀苦無書年老頗購書有書能讀
無譬彼老農父不復黃犢驅買此二畝田留待兒

孫鋤

種蕙聽雨軒詩鈔

卷三

齊竿草

五

人生不患愚惟學能愈之人生不患俗惟書可以
醫不見牧豬奴拜跪皆無儀不見大腹賈語言皆
堪噉

白晝

白晝渾無事琴書共一牀虛窗宜讀畫靜室自生
香寒盡覺裘重人間看燕忙比來身更嬾詩債幾
時償

題傅心泉先生鴻雪山房詩鈔

宗派接三李名譽齊五星烏衣故門巷白首老明
經抱道遺榮利論詩主性靈一編鴻雪在挹取有
餘馨

官莊道上

雲樹蒼茫一徑通都疑身在畫圖中麥南東畝抽
新碧杏兩三枝暈淺紅犁雨朝驅牛子母銜泥春
語燕雌雄前溪深處魚肥否不見漁翁理釣筒

出城

種蠶圖軒詩鈔

卷三

齊竿草

六

近日春奚似行行到野坳塗平紆馬力市小轆魚
腥樹比城中綠山如畫裏青枝頭有鳴鳥覘曉好
音聽

蒔花

一廬風雨託身安更闢新園半畝寬莫問明年在
何處種花原爲大家看

水仙花開至二月中旬尙未盡凋詩以詠之
臘初苞已拆春半花始殘姬姜縱蕉萃忍作菅蒯

看

花朝

比來情緒太無聊何地棲遲堪避囂不是飛來雲

一朵都忘芳序到花朝

今晚接兩學師手札未署花朝字

閱孫雨人博士

同元

永嘉聞見錄所載杜十

姨祠東嶽神像二則戲成二絕

廟貌巍然傍謝池

謝詩池塘生春草即此地也池在温州積穀山下余曾到之

無端附會太離奇少陵忽現女郎相簫鼓爭迎杜

種蕉聽雨軒詩鈔

卷三

齊竿草

七

十姨

温州舊有杜拾遺祠伍子胥祠州人訛為杜十姨無夫五髭鬚相公無婦乃迎十姨以配

五髭鬚合

為一廟

污蟻先賢事近誣未聞翦盡滅明鬚

明天啟朝天下為魏璫建

生祠有去澹臺滅明塑像之鬚作為魏忠賢像者

縱教面目青藍變不失

偉然一丈夫

嘉靖時張璉劾議各學聖賢像改用木主温州塑像俱送海中民間私行

取回以為土地之神南門外東嶽廟頗著靈異其東嶽神即澹臺滅明之故像也土人因聞其貌惡

改塗青臉亦稱温元帥

夜半枕上偶成

白晝形多擾中宵夢屢驚分明山鳥喚疑是叫冤
聲

詠銅墨壺

腹小難容物蓄墨亦無多縱使墨香有其如銅臭
何

墨汁成冰候有時用火攻此君慣耐熱不必諄冬
烘

不見玉壺冰有如水晶域笑爾一頑銅胸中自漆

種蔗聽雨軒詩鈔

卷三

齊竿草

六

黑

叨列翰墨林亦足生平快汝質非堅金慎勿以墨
敗

題張羅山像

羅山昔被寵大起寶綸樓今日瞻遺像長思楊用
修

滿面挾秋霜凜凜懾朝右不知桂文襄貌亦似公

否

花朝後四日下鄉杏花雪中盛開紅白相間
池遷數十里奇觀也以詩紀之

翻新畫本現林端補入丹青著筆難干樹杏花干
樹雪圖成容易當梅看

詣澤北與中即景

曲曲村邊路曾經幾度過淺莎隨處長古木闌人
多柳岸魚成市蘆灣鴨泛波誰家炊飯熟一縷曉

煙拖

種齋聽雨軒詩鈔

卷三

齊竿草

九

中途遇風口占

陡覺寒侵骨重裘不厭加陰雲昏白晝亂石捲黃
沙樹杪風聲壯村頭雨氣賒行行天欲暮投宿問
田家

宿孫莊

雪虐風饕甚恩恩此駐車人家楊柳外天氣杏花
初祠宇堪橫榻村農解索書衣冠饒古意最好是
鄉居

即景

鎮日詩從枕上敲，忍將春色等閒拋。
苔皴新碧侵瑤砌，花褪殘紅落視坳。
屋角晴餘蛛曬網，庭柯高處鳥爭巢。
眼前風景渾無數，何事尋芳到遠郊。

讀李五星先生卓菴詩集

孰謂先生死，哀然大集存。
人疑仙骨抱，名以布衣尊。
格律宗郊島，文章厄子孫。
墓碑如可訪，下馬弔詩魂。

種蕉聽雨軒詩鈔

卷三

齊寧草

二十

跋劉文清真跡

由來結體本鍾王，燕瘦環肥各擅長。
堪笑公書滿天下，虎賁竟敢貌中郎。

清明

先疇畝畝付兒耕，補種松楸都長成。
一憶故園悽欲絕，何堪今日是清明。

生日口占

小院春深睡正酣，梁間乳燕語呢喃。
醒來細詠前

人句楊柳幾番三月三

宋人方岳句

里名通德古風治士盡讀書農力田風雨和甘民
樂業攜琴來此已三年

覽揆恰逢脩禊辰桃花柳葉一時新老夫無怪霜

盈鬢膝下癡兒今四句

大兒生咸豐庚申

漫乞神仙不老丹開樽且與眾賓懽醉餘忽憶家

中事阿諒明朝試醉盤

諒孫生三月初四尙未來署

勸農

種菑聽雨軒詩鈔

卷三

齊寧草

五

黃童白叟各欣然遮道將迎馬不前爭說今年春

雨早杏花未放已開田

熙熙景象繪春臺溫語拊循笑口開莫道耕耘官

不解當年我亦荷鋤來

工商甘逐蠅頭利士子苦爭蝸角名衣食都從田

畝出世人孰敢爾農輕

三五人家郭外邨桑麻雞犬一桃源春醪閒與鄰

翁醉無事何須到縣門

書自編詩集後

自作風塵吏無緣再讀書耽吟防事廢覓句趁公
餘才以銷磨盡詩於法律疏他年終覆醬一笑付
鈔香

自恨

自恨無雙翼奮飛終不能一瓶復一鉢羨煞雲遊
僧

戒詩

種薄聽雨軒詩鈔卷三 齊字草 三
大雅有遺音其音和且平檢點新詩本何又變商
聲吾人事吟詠原以陶吾情誰使尋苦惱作此寒
蟬鳴我將棄筆硯新交訂麴生

世叔 子周先生與先子幼同研席交稱善慶年

十一二即往受業於方城學署後復依先生京邸

及先生改官山左慶又與偕來先生惓惓於故人

之子壹意栽培蓋數十年如一日也先生喜爲詩

雖極人事倥偬不廢吟詠惜藁脫即棄去不自收

拾今年所爲詩始稍稍命慶抄存之慶不足以知

詩然見先生詩者無不謂詩之可傳也乃亟請於

先生付劄牘焉因憶丙申春先生由灤之密從遊

種蕉齋同軒詩鈔

跋

數十人各餞以詩春餞吟之刻慶實任校勘乃不

數年而此數十人中成選貢登賢書者數幾過半

慶則衣食奔走終困一衿老大無成良用自悼然

他人率遠隔門牆而慶獨常侍先生左右所謂負

劍辟咄者不少異十一二時則又不得謂非厚幸

矣詩既刊成爲識其緣起如此光緒戊戌八月受

業世愚姪張錫慶謹跋

悅 同祖兄弟十五人春秋闡獲雋者二餘亦有聲
於庠序 悅 獨一無成就心竊恥之今年春自 家
君黃灣任所來密欲從

外舅學所謂制舉義者甫下帷即奉 功令裁四
書文於是絕意名場專從 公學詩種蕉軒詩鈔

悅 所朝夕瀏覽奉爲圭臬者也 公爲詩向不存

稿自今歲始稍稍錄以示人門人輩恐其散佚懇
懇付割剗 公手自刪定所存者十之三四而已

種蕉軒詩鈔

跋

悅 見所刪中佳作尙夥乃請酌留如干首其傷今

悼古慷慨悲歌之什仍置不錄游戲之作則間登
一二焉嘗觀名人諸集琴瑟在側有時雜以箏琶
貂璫盈前或又續以繪布此固不害爲大家也刊
既成爲綴數語於簡末

光緒二十四年八月下泚子堦蘇守悅謹識

自序

歸田草一卷余乞病歸里後所爲詩也去夏德兵駐密城月餘余日籌所以弭邊釁衛民生者晝夜焦勞因憂成疾兩足之不良於行蓋基於此兵初至搜括城中軍械殆盡每有所要求必以白刃相挾與爲周旋卑則未免辱身抗亦足以償事余之命瀕於危者屢矣卒能化險爲夷轉禍爲福實出天幸方其破隄東寨也礮聲震山谷余懼其攻城嘗單騎詣彼軍諭止之歸途得句云何幸餘生脫虎口早將一死拚鴻毛頗能寫出當時情狀然心緒惡劣終未足成之也七月回省養疴白雪樓惟以稱藥量水爲事不暇爲詩冬月旋里又日與親戚故舊相酬酢益不暇爲詩入春後部署家事猶就緒始稍稍爲之無何而津門告警畿輔騷然矣避兵無地日有戒心雖欲從事丹鉛而勢有所不得統計數月以來得詩僅三四首率俚俗不足

種蕉聽雨軒詩鈔

卷四

歸田草序

一

觀然多記事之作可備異時參攷故命兒輩錄而
存之

光緒庚子閏八月五十九日戲馬臺樵記

種蕉聽雨軒詩鈔

卷四

歸田草序

二

種蕉聽雨軒詩鈔

南皮 葛之覃 子周

歸田草

解任回省鄉民送余數十里外多泣下者爲

之惻然 巳亥

民不吾遐棄依依惜此行何堪勞遠送感爾剝多情各露酸辛色微聞太息聲下車聊話別相與淚

縱橫

種蕉聽雨軒詩鈔

卷四 歸田草

抵省寓白雪樓 即滄溟先生祠

昨朝路過漁洋墓今日人登白雪樓二百里中兩
詩老新城厯下各千秋

題寓齋壁

似鳥投林薄如魚脫釣絲雖爲羈旅客終勝在官
時偶買明湖權閱尋野寺碑笑他煙霧裏蚌鷓正
相持

生第五孫命名學訪

無官一身輕有子萬事足吾今乃兼之亦云愜所
欲昨夜兒書來開函然明燭古語報添丁家慶稠
疊續老樹枝葉繁庭階紛蘭玉燕山五桂芳竊冀
道前躅我將賦歸歟不爲塵鞅束飯飽攜孫嬉地
天何踏踟

灤口曉渡

甌笠羊裘破曉寒鵲山一角露雲端渡頭舟子多

情甚猶識當年舊長官

五年前余曾稭
查兩灤保甲

種慕聽雨軒詩鈔

卷四

歸田草

臨邑道上

兵來庫內無藏甲兵去城中有斷槍殘鐵收從餘
燼外西風古驛伴歸裝

抵家

書生無力挽時艱坐困干戈擾攘間人以蛾眉招
衆妒天從虎口放生還巖疆回首心猶悸宦海抽
身夢亦閒聊藉課孫娛晚景一編相對掩柴關

徐茂才

桐岩

以八十八泮聞報誌喜

問年孰似老人尊，不忘區區拔擢恩。自署白頭新

弟子泥金一帖賁蓬門。

春間試高密童子曾拔置經古第一

晉兒試吏山左率成一絕

嬾爲督郵腰折忙歸田，一賦足徜徉名心未了人。
應笑我下場時兒上場。

勸晉兒

莫以名心熾而忘義命安，驚駘當自策蝨蟻詎非

官人海藏頭。易中流立脚難，奴顏與婢膝冷眼有

種薑靈雨軒詩鈔

卷四

歸田草

三

人看

鄭道昭碑余向無之，夏月自高密歸單輝庭

孝廉以此爲贈可感也

都從文字結相知，三載唱酬頗有詩。念我生平癖

金石臨歧手贈鄭公碑

春日遣興

庚子

攬鏡霜華滿鬢毛，勞人從此息塵勞。雙弓有米堪
爲飽，萬卷藏書亦足豪。無復風波生宦海，都將家

事付兒曹澆花種竹饒餘興更覓鄰翁醉苦醪

苦旱

節候眼看五月過皇天不雨可如何多情最是枝
頭鳥猶自聲聲喚插禾

雨後聞鶯

昨日聲乾雨未零今朝聲溼雨初停箇中苦樂分
明甚一樣鶯聲兩樣聽

漠漠陰雲未放晴欣看綠野有人耕焚香更向彼

種蕉蠶雨軒詩鈔

卷四

歸田草

四

蒼祝一雨從教洗甲兵

時津門有警

憫時

異端蠡起徧鄉城枉費老夫苦口爭但願吾宗賢
子弟各安畎畝事春耕

時新裝束絢爛斑豔說仙姬韜略嫺紅線曾聞盜

金合斯人豈復在人間

青黃白赤裹頭巾誰是金剛不壞身一片婆心空

自抱更無妙術醒迷人

無端戰鬪起鄰村孰是孰非莫敢論手把一編消
永晝風風雨雨不開門

記吳橋令勞公禁拳教事

何堪風雨故漂搖先事網繆識獨超安得畿南諸
郡縣使君一一似吳橋

拳教嘉慶初即有之公嘗刊布睿廟聖訓並那文

毅奏疏曉諭部民境內爲之肅然

初伏日接程海珊茂才山東信

傳經何幸得侯芭舊學商量邃密加誰道文章無

種菽臨雨軒詩鈔

卷四

歸田草

五

定價元燈歲歲照君家

每科歲試皆第一

干戈滿地捲塵埃浩劫茫茫劇可哀羨煞濟南好

風景學臣鎖院正掄才

六月十四對月有感

白雲蒼狗變何常誰道家鄉勝客鄉海上狂濤平
又起庭中好月黯無光洗兵水恨天河遠苦睡更
嫌夏夜長默祝百靈同効順欃槍指日斂妖芒

紀津門近事

邪說惑人託鬼神蚩蚩那解有君親可憐疆吏無
才識疏告 九重獎義民
邊釁一開力莫支仙姑渺渺去何之庸臣誤國從
來有不似此公這樣癡

哭聶軍門

漫道將軍坐失機身經百戰陷重圍只緣不爲頑
民用死後有人說是非

聞津門失事

種稷聽雨軒詩鈔 卷四 歸田草 六
謀國緊誰策萬全狂瀾手挽望羣賢老夫不是無
端哭食祿也曾四十年

聞合肥相公至京師

赫赫聲名震八埏巋然一柱力擎天謗書盈篋無
人辨今日都知太傅賢

中秋望月時大兒病劇

五十九年付逝波中秋都在客中過今宵月色團
圓好無奈纏人又病魔

瘦骨何堪二豎侵
絲絲一息尚呻吟
爲官或折兒
孫福靜夜無人時
問心

課品孫讀說文

古文絕後幾經秋
淮雨別風孰校讐
人欲讀書先
識字須從篆籀溯源流

卽景

自賦歸田未入城
睡餘散步杖藜輕
風前鳥踏乾
枝響雨後蟻馱溼
粒行雁字一行開
畫本蟲聲四

種蕙聽雨軒詩鈔

卷四 歸田草

七

壁助詩情幽居誰是同心侶
且覓鄰翁話太平

南園散步

村落圍成三五家
蔬畦一簇短籬遮
波心綠減垂
楊影屋角紅餘扁豆花
粒米登場喧野雀
輓轡送響散林鴉
夕陽已下忘歸去
遠聽雛孫聲喚爺

吳隴西公

大星慘澹陣雲昏
風雨誰招天上魂
我爲蒼生申
一慟當年知遇尙私恩
公撫東時曾以守正不阿見許

霖雨蒼生屬望身奈何天竟奪斯人僻鄉終歲無
朝報道路傳聞儻未真

書齋夜坐

衣著新繇尙覺單秋來病骨不禁寒畫因貼壁重
裝懶書未粘籤檢閱難凍雨輕敲窗紙破西風力
掃墨池乾一鐙相對無情緒坐聽聲聲夜柝殘

農事告成人心以定賦此誌幸

世運無終否於今有轉機天心方厭亂黔首已知

種穡聽雨軒詩鈔

卷四

歸田草

八

非樂歲田歌起邊聲畫角稀連宵高枕卧月下敞
雙扉

詠棉花

衣被窮檐千萬家天教美利竝桑麻姚黃魏紫歸
何用此是人間第一花

衣香鬢影散平疇采采西風雪滿堦畢竟此花品
清絕一生不上美人頭

九日悶坐

亦欲登高去披衣怯晚涼
半生愁裏客兩鬢鏡中
霜斜日柴扉掩西風菊
徑荒無花又無酒寂寂過
重陽

讀潘彥輔解元養一齋詩話

紅粉緇流一例存爭將詩話重隨園避嫌不錄今
人句我愛山陽老解元

贈鄰

鄉居苦岑寂何幸接芳鄰
雞犬時來往壺觴互主

種蕉靈雨軒詩鈔

卷四 歸田草

九

賓交論先世遠人似一家
親爾汝忘形久熙熙上
古民

答友人問近狀

回憶倉皇避寇餘紛紛竄匿去
鄉閭癡人癡事君
應笑萬馬聲中自著書

讀賈長江集有感

瘦骨應難稱綺紈長江一尉不勝寒
閉中更檢名臣傳自古詩人幾達官

感懷

老馬鹽車祇自悲，病餘腰脚更支離。
詩因懶續知才盡，書爲貪看恨眼遲。
呼影欲將愁與訴，垂簾惟有睡相宜。
干戈擾攘絃歌歇，無復生徒字問奇。

雨夜偶成

不預世間事，蝸居足便安。
歲豐賒酒易，村僻購書難。
老我詩三昧，磨人墨一丸。
吟成還自賞，五夜雨鈴寒。

種菘蘿雨軒詩鈔

卷四 歸田草

十

庭中海棠一株，九月又花開。他家樹亦然，爰

記以詩

岸荻飛花候，霜林脫葉時。
如何秋九月，春上海棠枝。

晚眺

秋色知何似，荒園偶過之。
桑麻鄰叟話，笠屐穉孫隨。
積雨苔三寸，新霜菜一籬。
比來吟興苦，撚斷幾莖髭。

人心甫定近日又有逃竄者爲之一歎

避兵都爲惑流言道路奔馳敢憚煩北者之南南者北不知何處是桃源

用前韻

難憑最是道塗言顛倒中懷只惹煩一夢蘧蘧游太古人間無地不桃源

寫望

攬鏡都疑面目非比來一病損腰圍人懷南國雙

種菴聽雨軒詩鈔

卷四 歸田草

十一

魚斷

人不接張甥鄂中

信客倚西風一雁飛紅葉朝酣名士

酒黃花晴曬老僧衣秋光更比春光好曳杖凝吟

欲忘歸

驟寒

五夜朔風霜作花天寒樹樹噤嗁鴉不知老屋機聲裏能著新棉有幾家

詠西廟古松

蒼煙半畝覆雕甍古貌離奇畫不成獨抱遐心遺

世立時防冷眼著人明村邊老樹皆孫子門外枯

楊或弟兄

楊與松皆數百年物

閱盡炎涼無一語夜來還作

怒濤聲

托根不欲傍榆枌佛院幽深絕俗氛香火漸看今日少濤聲曾有古人聞生材何必充梁棟得地偏能遠斧斤我對此松長歎息悠悠塵事總浮雲

即目

比來漸覺帶圍寬杖倚柴門暮色寒霜雁一聲秋

種舊聽雨軒詩鈔

卷四

歸田草

十一

野闊昏鴉數點夕陽殘高風梳柳邨全秃積雨斂苔石盡癡小筆迂倪誰慣仿倩他寫作畫圖看

讀邊隨園集

壇坫據南北隨園物望同可憐今世士祇解說袁

公

書小倉山房詩集後

詩主性靈論不刊無如衆口肆譏彈世間多少屠龍手落得千秋罵也難

論詩示喻仁

麗句清詞信手拈何勞苦思鬪新尖豔如時錦容
傷巧醜比春醪總忌甜畫意惟聞摩詰有史才莫
若杜陵兼誤人最是香奩格末俗誰知詩教嚴

哭范都督

生同鄉里早知君哭向遙天日半曛一縷英魂應
不滅靈旗獵獵護榆枌

謝鄰人送菊

種蕪聽雨軒詩鈔

卷四

歸田草

三

聞道鄰家菊正開安排攜酒共傾杯鄰翁憐我行
無力特遣黃花就我來

聞鐘

避兵無地恨途窮枉羨冥冥天外鴻枕上忽聞鐘
一杵恍疑身臥萬山中

聞砧

有淚常思墮何堪觸此聲我非羈旅客也動別離
情兵火愁鄰郡關山數遠程長安今夜月應比昔

時明

曉窗偶成

牀頭一卷伴南華殘夢迷離破曉鴉宿霧遠拖臨
水樹朝暎斜射隔窗花寒生視額愁呵凍枯到詩
腸屢喚茶坐擁重衾渾欲睡維孫學語又牙牙

種藕一缸開花近四十朵藏藕之日口占二

十八字

團團小甕長青荷茂遂非關得地多數寸靈根好

種藕聽雨軒詩鈔

卷四 歸田草

古

培護來年花事更如何

與從孫玉豐論學兼示玉桐玉樞

生人各有業耕讀途兩分耕以飽其腹讀以飫其
心汝耕苦無田汝讀頗能勤蚤歲試郡縣出輒冠
其軍桐樞復繼起連擢魯宮芹文譽日以噪矢志
躡青雲詎謂命途舛寂寂老一矜硯田况逢惡釜
中動生塵有字不堪煮交謫聲時聞不見大腹賈
囊橐累金銀不見豪家奴裘馬誇鄉鄰操術雖非

雅意態殊不羣獨此窮措大迂窩惹人瞋百事坐
使廢誤人乃頭巾一誤何再誤不如筆硯焚余獨
不謂然君子豈憂貧青銅有濁臭黃卷多清芬一
丁苟不識富貴亦俗人天地人爲貴惟士首四民
達則淑一世窮亦善一身書既聖賢讀樂當孔顏
尋文章其枝葉德行爲本根糞糞縱不給俯仰有
餘欣時窮學自富位卑道則尊歷代有鴻儒坐食
兩廡豚兩廡著人多不著石季倫士風慨日下吾
道薶荆榛相期敦實學蔚爲席上珍

種蕉聽雨軒詩鈔

卷四

歸田草

五

感時

糜爛竟如此何時睹太平惡聲難慣聽生命蟻同
輕南北途全梗中西議未成時艱誰與挽老淚拭
縱橫

哭座主崇公

殉節於保陽
蓮池書院

安排袍笏赴仙班正氣長留天地間同是狀元同
殉國古今竟有兩文山

公與文信國同號文山同
爲狀元同以身殉國

四朝清望冠朝班此日神游箕尾間第一龍頭公
不愧前身應是文文山

後先玉筍弁清班六百餘年俯仰間出處一生皆
酷似兩文山是一文山

一門槃戟列華班取義成仁頃刻間公在九原亦

含笑更無弱弟玷文山

公全家殉難

再哭崇師

公諡文忠

連姻帝室代承恩下土都忘嵩嶽尊何幸不材似

種潔聽雨軒詩鈔

卷四 歸田草

夫

樗櫟也隨桃李植公門

文章事業迄無成辜負師門眷注情香火前緣儻
未斷願將立雪矢來生

祖仁臨畫贊碑頗有進境書此勸之

笑余腕劣不成書欲學環肥竟墨豬闕陷一生待
兒補淋漓染翰快何如

余與湘濤尙書先後受知於錢香士方伯取

府試第一尙書至壬子重遊泮宮余至癸

丑亦當踵行釋菜禮矣

漫分盧後與王前衣鉢師門一樣傳泮水重遊天
許否算來尙有十三年

糠粃簸來卻在前和凝衣鉢負師傳回思泮水採
芹日恰是蘭亭脩禊年

故交回憶半生前消息久無魚雁傳爲問昔時遊

泮客還餘幾箇小同年

同案爲小同年
見遜學齋文集

穉子童孫繞膝前青氈一片有人傳待余重宴瓊

種薑聽雨軒詩鈔

卷四

歸田草

七

林日正衛武公悔過年

送華實甫農部北上

匹馬匆匆去關津尙駐軍長途紛雨雪壯志鬱風
雲土以文章賤君將筆硯焚匡時藏妙用竹帛待

銘勳

君時
奉諱

庚子除夕

光陰如在醉中過爲抱深憂兩鬢皤檢點一年新
稟本正音常少變音多

筵開餞臘燭烟浮有酒難消百斛愁五十九年彈
指過明年六十恰平頭

恩怨分明意自如英雄肝膽照鄉閭老夫閉戶經
年久爲過爲功兩不居

不是嬾餐苜蓿盤宦途清莫過儒官何堪年老兼
多病釋菜逢丁拜跪難

茫茫浩劫降從天痛哭
鑿輿尙播遷爲問畿南

千百里幾家安樂度新年

種蕉聽雨軒詩鈔卷四 歸田草

六

先疇吠畝至今存五百年來聚族繁兵火未經人
樂業鄉名合署小桃源

今宵都說百神臨欲訴生平感不禁除卻優柔更
無過一生誤我是婆心

笑看童孫逐隊嬉新衣爭著拜先祠今宵守歲渾
無事兒輩學書我作詩

元旦 辛丑

族黨平明集堂前燭閃紅衣冠猶古處禮讓到邨

童吉語逢人說繁文與客同老夫艱拜苔扶杖立
春風

八日作

驟爾春寒退風光二月同雪消簷有溜泥滑屐難
通衣覺敝裘重益餘微火烘梅花開罷未轉胸杏
花紅

春寒

盼得韶光轉新詩句好裁春纔將暖至風又勒寒
種蕉聽雨軒詩鈔

卷四 歸田草

九

回小院花無信空梁燕不來塊然此枯坐懷抱幾
時開

種柳

果然有腳是陽春無限生機到眼新多向路旁種
楊柳養成美蔭庇行人

詠門外老柳

無邊春色繪芳郊樹老幾時綠到梢寄語兒童休
折取枯枝上有兩鳥巢

新春

自入新春百事宜無勞先事問龜著曉來細數窗
前竹綠到孫枝第幾枝

有感

蜩蟬羹沸又經年安得桃源受一塵閉戶致干懷
璧罪輸官促辦鬻兒錢荒原白骨瀟瀟雨斷井青
苔寂寂煙滿目瘡痍生意淺回春端賴使君賢

二月三日生第六孫命名學誨

種蕉聽雨軒詩鈔

卷四

歸田草

三

緣階芳草種宜男綠到幾叢取次探門外弧懸郎
第六天邊弓挂月初三讀書墨有諸兄共索乳飴
勞大母含我亦隨人添吉語他年兒壽比彭聃

好事誰教萃一門瓜齋椒衍總天恩三郎今又舉

三子

此三兒晉
仁第三子

六秩何期見六孫百代詩書餘舊

蔭一家笑語作春溫老妻差比老夫健謀醉同傾

花下罇

品孫生日

吾家女比左家嬌帖愛臨摹繡懶挑生日幾時須
記取再遲五日卽花朝

品孫課諸孫句讀詩以勸之

四壁琳琅書作城居然門內有經生諸兒他日學
成候莫忘蒙師是女兄

過日真能使誦成掃眉才子忒聰明天姿都說諸
孫好可有幾人似女兒

卽目

種蕙靈雨軒詩鈔

卷四 歸田草

三

靜掩雙扉無客敲攜孫終日坐書巢不知門外春
何似小院海棠紅上梢

曉起

香燼金鑪客夢殘開簾猶自怯春寒蛛絲圓結同
文鏡蝸篆曲穿亞字闌乳燕雛鶯三徑曉左花右
竹一庭寬樓頭忽聽風箏響惹得兒童拍手看

清明展墓

佳城遙接舍西東樹影參差入望中楊柳千家寒

食雨松楸一路紙錢風
苔侵短褐書全泐
草茁新泥屐
僅通上塚人
歸天欲暝村邊小
立話鄰翁

雨後

雨後輕攜白柄鋤
春風吹到野人廬
忙中揀得移花日
卻是舊年時憲書

詠懷

泌水衡門足嘯歌
漫將身世逐頽波
著書老去雪侵鬢
罷釣歸來月滿蓑
小築園亭隨地勢
常親魚鳥得天和
匡時自有伊周侶
無事臨風喚奈何

種蕉聽雨軒詩鈔

卷四

歸田草

三

示兒輩

爲避囂塵日掩扉
一銚課子夜光微
質非下品棄堪惜
產比中人儉自肥
舉世浮名皆夢幻
人生樂事在庭闈
壯遊漫作雄飛想
篋有老萊五色衣
晉仁
以吏目試用山左去夏假歸今年擬
過余生日回省銷假故詩中云云

午睡

開過杏花春已深
連朝細雨灑芳林
落紅委地棠

無力新綠參天蕉有心語溼流鶯泥滑滑香殘睡
鴨晝沈沈料應門外客來少一夢何妨與蜨尋

村外寫望

芒屨竹杖恣春遊楊柳青青正陌頭蝶影夕陽蘼
草夢鶯聲細雨破花愁半灣流水渡旁渡一縷炊
煙樓外樓贏得詩情兼畫意紛紛都向望中收

六十生日

風土依稀古道存幽居自署小桃源驚心三月逢

種蕘聽雨軒詩鈔

卷四 歸田草

三

三日屈指五年舉五孫

六孫中惟讓孫十歲餘皆丁酉以後生

歲序

天教週甲子迂疏性合伏林園漫將松柏擬蒲柳

謝客今朝深閉門

漫道今吾勝故吾浮生一夢總模糊身非有用何
須健詩未能工聊自娛載酒客常奇字問看花杖
有衆孫扶無愁卽是駐顏訣一粒靈丹更不殊

補錄客甌吟

稿久佚近於從孫王豐處得之補錄於此

題陳堯人廣文隨蔭讀書圖遺照

廣文之孫祖綬嘗問

業於余中壬辰進士官安徽知縣

先生之貌清且臞書味醇醇道味腴有琴一張酒一壺白雪不到老人顛讀書占得水雲區此福無與仙佛殊春秋弗知感螻蛄三弓隙地茅可誅青甌差勝紅氍毹分陰寸陰惜錙銖心游太古契黃虞且學蒙莊坐據梧手中一書何書乎得無祕本

種蕙聽雨軒詩鈔

卷四 歸田草

十四

出瓠瓠長吟抱膝聲伊吾忍教高閣飽饑晤篇中
紕繆勘焉烏眼明不受古人誣便便腹苛衆說郭
百家諸子恣灌輸經師人師二者俱漢之馬鄭宋
程朱文章彪炳照海隅巋然蔚作東南儒儒冠例
遭人揶揄不寶不徑目爲迂誰知草堂有陰符韜
鈴小試捍枌榆曩歲有盜起萑苻兇鋒所指城爲
屠先生奮臂登高呼誓與鄉人剪狼貙長劍三尺
磨湛盧匹馬殺賊如摧枯戰功赫濯聞當途事平

晉階上大夫季鷹逸興託菹鱸名挂朝藉心江湖
廣文官冷官不麤炊經酌史足清娛司訓澱水化
雨敷大開講舍集生徒徒負笈來于于有如滄
海衆壑趨傳道得徒德不孤名教端資隻手扶天
教瑞氣萃桑弧階前寶樹長雙株英才卓蹀近代
無名駕眉山大小蘇伯氏一鐸能警愚仲氏劇邑
行飛鳧文孫接武如聯珠德星煥采燭天衢或爲
鳳雛或龍駒聲價一一播璠瑜爲笑人閒田舍奴
子錢母錢癖青蚨何如傳家書一厨孫孫子子食
其租嗟余學殖久荒蕪今見先生讀書圖琳瑯一
幅字模糊交柯玉樹與珊瑚疥墨數行晒鴉塗慙
愧小巫見大巫

題台州成梓臣太守小瀛洲春禊倡酬集

裙屐風流玉筍聯詩人才藻各翩翩觴流曲水春
初暮山近天台吏亦仙愛士孰如賢太守開編喜
見舊同年

集中郭晚香王子莊兩
孝廉皆余丁卯科同譜

續貂媿乏如椽

筆敢埒千秋集竝傳

題王子獻孝廉硯影冊子

孝廉名繼香中己丑進士官編脩

萬事皆泡影過眼如雲煙惟此金石壽浩劫歷萬
千人生癖金石例得享大年巍巍儀徵阮赫赫嘉
定錢北平推翁氏君家有蘭泉頡頏乾嘉朝遐齡
希彭錢老輩久凋謝高風今闐然我愛王夫子芳
軌踵前賢吉貞恣摻採嗜硯癖尤堅摩抄研肯銘
古人姓字鑄區區一片石滄桑幾變遷呵護有神
種蕪聽雨軒詩鈔卷四 歸田草 三

鬼寶物全其天物以好斯聚旁涉瓦與甌苔蘚細
剝剔剖琢因方圓漢魏各異代同締文字緣古色
現斑剝照耀孝廉船筆墨日耕耨孜孜勤丹鉛爲
研留小影椎拓具蠟旣睛窗時瀏覽翠墨久愈妍
同氣復同癖丁年腹便便鉉錯羨共墨和樂儼豆
籩何期荆花萎從廢常棣篇王戎誓死孝殉親軀
爲捐至行照天壤鴻名青史傳留此數行墨遊戲
託神仙鄭重哀遺蹟取次甲乙編一序冠卷首哀

怨寫纏綿予季亦蚤喪形影徒自憐忽聞鄰笛聲
悵觸不成眠我與君異籍遥遥越與燕仰企賢者
風欣然願執鞭何時侍研席同參書畫禪

種樵聽雨軒詩鈔

卷四

歸田草

七

男喻仁校字

祖仁

補錄齊竽草

七夕乞巧詞

沈沈碧宇亘銀河一水盈盈淺無波鵲橋不駕不
得渡天孫之巧竟如何紛紛瓜果羅中庭銀燭青
煙裊畫屏劇憐世上癡兒女相與乞巧禮雙星人
皆乞巧我乞拙且向天孫伸吾說文人抱甕無機
心端木聞之心爲折今人之巧勝古人入時花樣
各翻新神工鬼匠逞奇技誰復矩矱守先民舉世
紛紛尙術數以巧勝天天亦怒何如不琢與不雕
歸真返樸守吾素

隔簾看雨

蕭然斗室屏紛營佳趣皆從靜裏生細雨絲絲簾
縷縷織成經緯雨分明

秋夜

沈沈碧宇淨無煙散步中庭人未眠雲自東飛月
西下匆匆好似雨來船

種蘊齋雨軒詩鈔

卷四 歸田草

天

姪孫玉豐校

第四卷完

余自山左歸卽值畿輔騷動閉戶經年惟以吟詠
自遣庚子除夜家人守歲余得詩八首兒輩則據
案作書二兒臨閣帖三兒臨磚塔銘四兒臨畫像
贊各得字數百余顧而樂之曰當此之時流離失
所者不知凡幾而吾家骨肉完聚且相與從事筆
硯以爲娛樂亦可謂極人生之快事矣此情此景
宛在目前孰料禍不旋踵竟遭三兒之變哉兒生
於丙子正月生之日適余以計偕北上 祖父因
種蕉露雨軒詩鈔 卷四 歸田草跋 一
爲命名曰進余果於是科成進士以是 祖父特
愛憐之七歲入家塾時余奔走南北往往四五年
始一歸故不暇親自督課辛卯需次山左兒始得
常侍余讀書然未嘗肆力帖括也兒於金石文字
嗜之成癖住密署三年購得碑版甚夥兒終日摩
挲幾忘食寢余嘗有詩規之詩載前集兒好作隸
書漢碑數十種臨摹殆徧而於曹全碑功力尤深
余不工書性又至懶有索書者輒倩兒代之其分

書於是頗竊時譽已亥秋余乞病歸兒爲文案羈
留旋以州吏目試用山左以次謁長官皆刮目待
之其季考列優等得重獎以能書故也去歲其母
思兒切乃促令歸今年三月方擬遣之回省而疾
作矣兒病未嘗廢臨池歿之夕尙口呼作字者再
可悲也夫去年八月大兒病劇余詩中有爲官或
折兒孫福之句老境如此已覺難堪乃不數月三
兒又亡四孫學講秀穎異常兒亦相繼亡余以何
種獲聽雨軒詩鈔

卷四 歸田草跋

二

辜睹此慘報一身如寄萬念俱灰從此焚卻筆硯
不復事吟詠矣詩稿一冊棄置敗篋中喻仁祖仁
兩兒以其爲心血所寄謀授之梓爰綴數語於卷
末以誌余痛云

光緒二十七年辛丑四月戲馬臺老樵記

